

Na osnovu člana 19. stav 1. Zakona o Vladi Federacije Bosne i Hercegovine („Službene novine Federacije BiH“, br. 1/94., 8/95, 58/02, 19/03, 2/06 i 8/06.), Vlada Federacije Bosne i Hercegovine, na 40. sjednici, održanoj 07.03.2012. godine, donijela je

U R E D B U

o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije Bosne i Hercegovine za ostvarene vrhunske sportske rezultate na međunarodnim takmičenjima

Član 1.

Ovom Uredbom uređuju se kriteriji za dodjeljivanje nagrada za vrhunska sportska dostignuća, određuju se osobe i sportska udruženja kojima se dodjeljuju nagrade, sportska takmičenja i sportski rezultati za koje se dodjeljuju nagrade te definira postupak, način dodjeljivanja i iznos nagrada za ostvarene vrhunske sportske rezultate.

Član 2.

Nagrade se dodjeljuju državnim reprezentacijama, sportistima (sportistima i sportistkinjama), sportskim udruženjima, sportskim radnicima, selektorima i trenerima za osvojene medalje na međunarodnim sportskim takmičenjima.

Član 3.

Pod sportistom se podrazumijeva:

- 1) član državne reprezentacije u pojedinačnoj ili ekipnoj konkurenciji, koji je ujedno i član sportskog udruženja sa sjedištem na području Federacije Bosne i Hercegovine (član reprezentacije),
- 2) član sportskog udruženja koje ima sjedište na području Federacije Bosne i Hercegovine (član ekipe).

Pod sportskim radnikom podrazumjeva se:

- 1) službeni trener/selektor državne reprezentacije koji je ujedno i trener u sportskom udruženju koje ima sjedište na području Federacije Bosne i Hercegovine, kao i osobe određene da obavljaju stručni posao od strane sportskog saveza ili udruženja, u skladu sa njihovim aktima i propisima.

Pod sportskim udruženjem podrazumijeva se:

- 1) sportski klub,
- 2) sportsko društvo i
- 3) sportski savez registriran na teritoriji Federacije Bosne i Hercegovine.

Član 4.

Nagrade se dodjeljuju državnim reprezentacijama, sportistima, selektorima i trenerima, za pojedinačne i ekipne rezultate, kako slijedi:

- za osvojeno prvo, drugo i treće mjesto na Olimpijskim igrama,
- za osvojeno prvo, drugo i treće mjesto na Paraolimpijskim igrama,
- za osvojeno prvo, drugo i treće mjesto na svjetskom i evropskom seniorskom prvenstvu u olimpijskim i paraolimpijskim sportovima i disciplinama,
- za osvojeno prvo, drugo ili treće mjesto na Šahovskoj olimpijadi,
- za osvojeno prvo, drugo i treće mjesto na Mediteranskim igrama,
- za osvojeno prvo, drugo i treće mjesto na Univerzijadi,
- za postignute rekorde na svjetskim, evropskim i državnim seniorskim prvenstvima u olimpijskim i paraolimpijskim sportovima,
- za ispunjenje kvalifikacione norme za olimpijske i paraolimpijske igre u pojedinačnim sportovima (pojedinačna konkurencija),
- za seniorske prvake BiH (muška i ženska konkurencija) u sportovima koji imaju najmanje dva ranga organizovanog takmičenja, po liga sistemu, koji će se takmičiti u Evropskim takmičenjima.

Član 5.

Nagrade se dodjeljuju u obliku novčane nagrade i zahvalnice (plakete).

Član 6.

Novčane nagrade se dodjeljuju u iznosima kako slijedi u tabeli, koja čini prilog i sastavni je dio Uredbe.

Član 7.

Prijedloge za dodjelu nagrada za vrhunska sportska dostignuća podnose sportska udruženja u roku od 15 dana od dana završetka takmičenja.

Prijedlozi se podnose Federalnom ministarstvu kulture i sporta.

Član 8.

Federalno ministarstvo kulture i sporta će u roku od 15 dana od dana prijema prijedloga utvrditi da li su ispunjeni kriteriji za dodjelu nagrade iz člana 4. ove Uredbe, te Vladi Federacije BiH podnijeti prijedloge za dodjelu nagrada.

Odluku o dodjeli nagrada donosi Vlada Federacije BiH.

Član 9.

Izuzetno, federalni ministar kulture i sporta može podnijeti Vladi Federacije BiH prijedlog za dodjelu nagrada iz člana 4. ove Uredbe i za ostale vrhunske sportske rezultate.

Član 10.

Novčane nagrade utvrđene ovom Uredbom dodjeljivat će se iz sredstava koja će biti utvrđena u Budžetu Federalnog ministarstva kulture i sporta.

Nedostajuća finansijska sredstva, u slučaju osvajanja olimpijskih i paraolimpijskih medalja, doznančit će se iz sredstava tekuće rezerve u Budžetu Vlade Federacije BiH.

Član 11.

Federalno ministarstvo kulture i sporta je obavezno izraditi plakete i voditi evidenciju o dodijeljenim nagradama.

Član 12.

Ova Uredba stupa na snagu osmog dana od dana objavljivanja u „Službenim novinama Federacije BiH“.

P R E M I J E R

Nermin Nikšić

TABELA
novčanih iznosa nagrada za ostvarene vrhunske sportske rezultate
(izražena u KM)

1. Olimpijske igre

a) Pojedinačni sportovi (sportisti)

- Zlatna medalja	50.000,00
- Srebrna medalja	30.000,00
- Bronzana medalja	20.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja	20.000,00
- Srebrna medalja	10.000,00
- Bronzana medalja	5.000,00

2. Svjetska seniorska prvenstva u olimpijskim sportovima

a) Pojedinačni sportovi (sportisti)

- Zlatna medalja	40.000,00
- Srebrna medalja	20.000,00
- Bronzana medalja	10.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja	15.000,00
- Srebrna medalja	10.000,00
- Bronzana medalja	5.000,00

Nagrada za selektore – trenere iznosi 50% od nagrade za

3. Evropska seniorska prvenstva u olimpijskim sportovima

a) Pojedinačni sportovi (sportisti)

- Zlatna medalja	20.000,00
- Srebrna medalja	15.000,00
- Bronzana medalja	10.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja	10.000,00
- Srebrna medalja	5.000,00
- Bronzana medalja	3.000,00

Nagrada za selektore – trenere iznosi 50% od nagrade za sportiste.

4. Paraolimpijske igre

a) Pojedinačni sportovi (sportisti)

- Zlatna medalja	25.000,00
- Srebrna medalja	15.000,00
- Bronzana medalja	10.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja	10.000,00
- Srebrna medalja	5.000,00
- Bronzana medalja	3.000,0

5. Svjetska seniorska prvenstva u paraolimpijskim sportovima

a) Pojedinačni sportovi (sportisti)

- Zlatna medalja	15.000,00
- Srebrna medalja	10.000,00
- Bronzana medalja	8.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja 10.000,00
- Srebrena medalja 8.000,00
- Bronzana medalja 5.000,00

Nagrada za selektore – trenere iznosi 50% od nagrade za sportiste.

6. Evropska seniorska prvenstva u paraolimpijskim sportovima

a) pojedinačni sportovi (sportisti)

- Zlatna medalja 10.000,00
- Srebrena medalja 7.000,00
- Bronzana medalja 5.000,00

Nagrada za selektore - trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja 5.000,00
- Srebrena medalja 3.000,00
- Bronzana medalja 2.000,00

Nagrada za selektore – trenere iznosi 50% od nagrade za sportiste.

.

7. Šahovska olimpijada

a) Za članove ekipe

- Zlatna medalja 10.000,00
- Srebrena medalja 8.000,00
- Bronzana medalja 5.000,00

Nagrada za selektore – trenere iznosi 50% od nagrade za sportiste.

8. Mediteranske igre

a) Pojedinačni sportovi (sportisti)

- Zlatna medalja 8.000,00
- Srebrena medalja 6.000,00
- Bronzana medalja 4.000,00

Nagrada za selektore – trenere iznosi 50% od nagrade za sportiste.

b) Ekipni sportovi – za članove ekipe

- Zlatna medalja	5.000,00
- Srebrna medalja	3.000,00
- Bronzana medalja	2.000,00

Nagrada za selektore – trenere iznosi 50% od nagrade za sportiste.

9. Univerzijada

c) Pojedinačni sportovi (sportisti)

- Zlatna medalja	8.000,00
- Srebrna medalja	6.000,00
- Bronzana medalja	4.000,00

Nagrada za selektore – trenere iznosi 50% od nagrade za sportiste.

d) Ekipni sportovi – za članove ekipe

- Zlatna medalja	5.000,00
- Srebrna medalja	3.000,00
- Bronzana medalja	2.000,00

10. Svjetski i evropski rekordi na seniorskim takmičenjima u olimpijskim sportovima

a) Svjetski rekord	50.000,00
b) Evropski rekord	30.000,00

Nagrada za selektore – trenere iznosi 50% od nagrade za sportiste.

11. Svjetski i evropski rekordi na seniorskim takmičenjima u paraolimpijskim sportovima

a) Svjetski rekord	15.000,00
b) Evropski rekord	10.000,00

Nagrada za selektore – trenere iznosi 50% od nagrade za sportiste.

12. Državni seniorski rekordi u olimpijskim i paraolimpijskim sportovima

a) Državni rekordi 5.000,00

Nagrada za selektore – trenere iznosi 50% od nagrade za sportiste.

13. Juniorska svjetska i evropska prvenstva u olimpijskim i paraolimpijskim sportovima

Nagrade iznose 50% iznosa utvrđenog sportistima i selektorima-trenerima navedena za takmičenja u seniorskoj konkurenciji.

14. Ispunjenje kvalifikacione norme za olimpijske i paraolimpijske igre, svjetsko i evropsko prvenstvo

a) Sportisti koji ostvare normu za olimpijske i paraolimpijske igre, svjetsko i evropsko prvenstvo nagradit će se sa: 5.000,00

15. Prvaci BiH (muška i ženska konkurencija) u sportovima koji imaju najmanje dva ranga organizovanog takmičenja, po liga sistemu, koji će se takmičiti na evropskim takmičenjima

nagradit će se sa: 15.000,00

OBRAZLOŽENJE
uz Uredbu o nagrađivanju sportista i sportskih kolektiva iz Federacije Bosne i Hercegovine za ostvarene vrhunske sportske rezultate

I. Zakonski osnov

Zakonski osnov za donošenje Uredbe o nagrađivanju sportista i sportskih kolektiva iz Federacije Bosne i Hercegovine za ostvarene vrhunske sportske rezultate je član 19. stav 1. Zakona o Vladi Federacije Bosne i Hercegovine („Službene novine Federacije BiH“, br. 1/94., 8/95, 58/02, 19/03, 21/06 i 8/06.), kojim je propisano da se Uredbom uređuju najvažnija pitanja iz nadležnosti Vlade Federacije, bliže uređuju odnosi za sprovođenje zakona, osnivaju stručne i druge službe Vlade i utvrđuju načela za unutrašnje ustrojstvo federalnih organa državne uprave.

II. Razlozi za donošenje

Osnovni razlog za donošenje predmetne Uredbe jeste realizacija Zaključka Vlade Federacije BiH od 29.04.2011. godine donesenog na Prvoj vanrednoj sjednici, kojim je Federalno ministarstvo kulture i sporta zaduženo da pripremi Uredbu kojom bi se sistemski uredio način nagrađivanja vrhunskih sportskih rezultata sportista i sportskih kolektiva iz Federacije Bosne i Hercegovine.

III. Finansijska sredstva

Za realizaciju ove Uredbe potrebno je planirati finansijska sredstva na poziciji „Tekuća rezerva Vlade Federacije BiH“.